

JAVNA USTANOVA „DOM ZDRAVLJA“ ZENICA
Ul. fra Ivana Jukića br.2, Zenica

Na osnovu odredbi Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“ br. 2/24.), odredbi Pravila o postupku prijema u radni odnos u JU „Dom zdravlja“ Zenica br. OU-01-59-50907/24. od 14.02.2024. godine i Odluke o potrebi prijema u radni odnos br. PP-03-137-78154/25. od 21.05.2025. godine, raspisuje se sljedeći

JAVNI OGLAS
za prijem radnika na neodređeno i određeno vrijeme

JU „Dom zdravlja“ Zenica ima potrebu za zapošljavanjem 6 (šest) radnika i to 4 (četiri) radnika na neodređeno vrijeme i 2 (dva) radnika na određeno vrijeme.

Kandidati moraju ispunjavati sljedeće **opće uslove**:

- da su državljani Bosne i Hercegovine, što se dokazuje dostavljanjem Uvjerenja o državljanstvu,
- da su psihički i fizički sposobni za obavljanje poslova za radno mjesto za koje se prijavljuju, a što se dokazuje dostavljanjem originalnog Ljekarskog uvjerenja i originalne Sanitarne knjižice, kao i dokaz o redovnom vakcinalnom statusu.

Dokaze iz prethodnog stava ovog Javnog oglasa, dostavit će kandidati koju budu izabrani na Javnom oglasu, u roku od 15 dana od dana zaprimanja odluke o prijemu u radni odnos.

Ostali uslovi za objavljena radna mjesta su sljedeći, i to:

1. Specijalista porodične medicine ili doktor medicine u Službi za porodičnu medicinu sa edukacionim centrom - 2 izvršioca na određeno vrijeme u trajanju od jedne godine, sa probnim radom u trajanju od 3 mjeseca.

Specijalista porodične medicine

Posebni uslovi: -VSS doktor medicine, što dokazuje dostavljanjem diplome o završenom fakultetu; specijalista porodične medicine, što dokazuje dostavljanjem uvjerenje o završenoj specijalizaciji; položen stručni ispit, što dokazuje dostavljanjem uvjerenja o položenom stručnom ispitu; licenca za samostalan rad što dokazuje dostavljanjem licence nadležne komore.

Opis poslova: -Specijalista porodične medicine radit će u Ambulantama porodične medicine u sastavu Službe za porodičnu medicinu sa edukacionim centrom i obavljat će poslove propisane u Sistematizaciji radnih mjesta u JU „Dom zdravlja“ Zenica.

Doktor medicine

Posebni uslovi: -VSS doktor medicine, što dokazuje dostavljanjem diplome o završenom fakultetu ili dostavljanjem uvjerenja o diplomiranju ukoliko je kandidat završio fakultet i još uvijek nije dobio diplomu o završenom fakultetu; položen stručni ispit, što dokazuje dostavljanjem uvjerenja o položenom stručnom ispitu; licenca za samostalan rad što dokazuje dostavljanjem licence nadležne komore

Opis poslova: -Doktor medicine radit će u Ambulantama porodične medicine u sastavu Službe za porodičnu medicinu sa edukacionim centrom i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem pismenog i usmenog ispita.

2. Medicinska sestra/tehničar u Službi za hitnu medicinsku pomoć – 3 izvršioca na neodređeno vrijeme, sa probnim radom u trajanju od 1 mjeseca.

Posebni uslovi:

-SSS medicinska sestra/tehničar, što dokazuje dostavljanjem diplome o Medicinskoj školi; položen stručni ispit, što dokazuje dostavljanjem uvjerenja o položenom stručnom ispitu; licenca za samostalan rad što dokazuje dostavljanjem licence nadležne komore.

Opis poslova:

-Medicinska sestra/tehničar radit će u Službi za hitnu medicinsku pomoć i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem intervjua.

3. Blagajnik u Odjeljenju za ekonomske poslove – 1 izvršilac na neodređeno vrijeme, sa probnim radom u trajanju od 1 mjeseca.

Posebni uslovi:

-SSS IV stepen srednja škola- ekonomski tehničar, upravni tehničar ili gimnazija, što dokazuje dostavljanjem diplome o završenoj ekonomskoj školi, upravnoj školi ili gimnaziji.

Opis poslova:

-Blagajnik će raditi u Odjeljenju za ekonomske poslove i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem intervjua.

Prijave na javni oglas koje moraju biti vlastoručno potpisane sa kopijom tražene dokumentacije podnose se u roku od 8 dana od dana objave oglasa, sa kratkom biografijom, adresom, e - mail adresom i kontakt telefonom kandidata, preporučeno putem pošte ili na protokol JU „Dom zdravlja“ Zenica, na adresu:

JAVNA USTANOVA „DOM ZDRAVLJA“ ZENICA

Ul. fra Ivana Jukića br. 2

ZENICA

sa naznakom — Prijava na Javni oglas na radno mjesto pod rednim brojem - NE OTVARAJ!

Neblagovremene, nepotpune i neuredne prijave neće se uzeti u razmatranje.

Jedna prijava u zatvorenoj koverti odnosi se samo na jednu poziciju u Javnom oglasu. Na zatvorenoj koverti mora se upisati ime i prezime kandidata sa adresom njegovog prebivališta, kao i navesti pozicija na koju se podnosi prijava za zaposlenje.

Ukoliko kandidat konkuriše na više pozicija na Javnom oglasu potrebno je ispuniti novu prijavu i dokumente dostaviti u drugoj zatvorenoj koverti za svaku poziciju posebno na koju se prijavljuje. Prijava kandidata koji ne postupi po rješenju iz ovog stava u Javnom oglasu, bit će odbačena.

JU „Dom zdravlja“ Zenica nije u obavezi da vrati dokumentaciju, koja se prilaže uz prijavu.

Kandidati će putem e-mail adrese, dostavom skenirane obavijesti biti obaviješteni o terminu za održavanje pismenog i usmenog stručnog ispita i intervjua najmanje pet dana prije održavanja pismenog i usmenog stručnog ispita i intervjua. Obavijest o terminu za pismeni i stručni ispit i intervju bit će postavljena i na web stranici i oglasnoj tabli JU „Dom zdravlja“ Zenica.

Za kandidate koji ne pristupe pismenom i usmenom stručnom ispitu i intervjuu, utvrdit će se da su odustali od prijave za zaposlenje.

Izbor kandidata za radna mjesta sa visokom stručnom spremom zasniva se na razmatranju dostavljene dokumentacije i održanom pismenom i usmenom stručnom ispitu, a za kandidate sa srednjom stručnom spremom zasniva se na razmatranju dostavljene dokumentacije i održanom intervjuu. Kandidati sa visokom stručnom spremom iz ovog javnog oglasa za pripremanje pismenog i usmenog stručnog ispita mogu koristiti literaturu korištenu tokom studija i zakonsku legislativu u oblasti zdravstva.

Kandidatima se napominje da obrate pažnju da moraju imati licence nadležne komore da bi mogli učestvovati u postupku i zasnovati radni odnos u JU „Dom zdravlja“ Zenica, u skladu sa rješenjem iz člana 2. stav 3. Pravilnika o postupku izdavanja licence, kao i sadržaju i izgledu licence („Službene novine Federacije BiH“ br. 82/13.).

U skladu sa članom 54. stav 1. Okvirnog zakona o visokom obrazovanju u BiH („Službeni glasnik BiH“ br. 59/07. i 59/09.) u postupku po ovom javnom oglasu priznat će se samo akademski stepeni i diplome koje izdaju akreditovane visokoškolske ustanove.

Kandidati koji budu izabrani da rade u JU „Dom zdravlja“ Zenica, dostavit će uz izjavu o prihvatanju zaposlenja i originalnu ili ovjerenu dokumentaciju predatu na predmetni Javni oglas, a čija ovjera nije starija od 6 mjeseci.

Integralni tekst Javnog oglasa bit će objavljen na web stranici JU „Dom zdravlja“ Zenica i Grada Zenica, a u dnevnim novinama objavit će se obavijest o javnom oglasu.

Informacije se mogu dobiti putem telefona — 032/248-820.

Br. PP-03-137-78155/25.
Zenica, 22.5.2025. godine



DIREKTOR

[Signature]
dr. sc. prim. Mersija Kasumović

[Handwritten signature]